



建文朝野彙編 十一



二	六	六	九	漢書門
架	函	號	類	

內閣文庫			
八	八	八	漢
函	八	八	書
架	冊	九	類

內閣文庫		
番號	漢	8869
冊數	24 (13)	
函號	286	169



建文朝野彙編卷十一

淺草文庫

原任廣東道監察御史秀水屠叔方纂

大理寺

少卿胡閏



胡閏字松友西隅人才志不凡洪武初舉秀

才授都督府都事遷右補闕晉大理少卿及

文廟入金川門即日死之或又傳閏嘗題詩吳

芮祠

高廟稱賞累拜前官閏胤祚不存時在忌諱故



履歷不詳

出傳信錄

太宗既渡江入京師以黃子澄齊泰陳迪練安方孝孺黃觀胡閏等爲姦臣皆誅之陳迪聞北兵逼近與黃子澄齊泰郭任侯泰黃觀方孝孺練安胡閏宋徵戴德彝韓永等奏請急設法防禦禍且不測

太宗既卽位召迪等俱不服族誅

出白下紀聞

胡元入主中華聘吾祖可甦公爲郡學錄不就戒子孫力學俟時約同志吳存何英胡閏

徐素四先生爲會以長沙王廟爲會所每會甦祖攜先父原善公先往焚香靜坐一日以忠義相砥礪元末兵亂遷徙無常故舊落落如辰星獨先生授徒講學其中兄秉方受業胡門察其無他遂以其子妻之胡先生嘗獨坐嘆曰天下何時平乎遂奮筆畫松廟壁題曰蒼虬出壑復詩曰幽人無俗懷寫此蒼龍骨九天風雨來飛騰作靈物元至正二十一年吳王下饒州見先生詩召見越八年

吳王卽

皇帝位建元洪武四年郡舉秀才一見卽曰此
秀才是題詩鄱陽廟者授都督府都事遷經
歷洪武三十一年閏五月

建文君卽位六月置補闕拾遺官首擢先生右
補闕建文三年辛巳正月東昌捷至先生晉
大理右少卿四年壬午六月十三日谷王穗
李景隆獻金川門兵入城卽遣內戚召方孝
孺又命廖鏞廖銘曰汝兄弟嘗受學方孝孺

善爲我詞又召先生召高翔衰經望闕慟哭
聲徹殿廬召先生先入

上諭令更服先生曰死卽死服不可更

上曰九族都該死面傳 命抄提以恐之竟不
屈

上怒命力士以金瓜落其齒碎之齒盡聲不絕
上大怒命縊死以石灰水浸脫皮以乾草實之
成人形懸武功坊卽日差官校馳赴籍家抄

提出精忠就義類編

朝野通編 卷十一
國初官職至十六兩以上剝皮貫草府州縣
衛所之左特立一廟祀土地爲剝皮場名曰
剝皮廟於公座傍置一剝皮貫草之袋噫初
以處墨吏今以處忠臣劉伯溫所謂殺運未
除耶建文四年六月十七日

成祖謁

孝陵遂卽 皇帝位復揭姦臣榜於朝堂增徐
輝祖鐵鉉姚善甘霖鄭公智葉仲惠王璉黃
希范陳彥回劉璟程通戴德彝王良盧原質

茅大芳胡子韶韓永葉希賢林嘉猷蔡運盧
振牛景先周璿等五十餘人後張統復吏書
鄭賜王鈍黃福復戶刑工書尹昌隆曾鳳韶
復御史惟曾鳳韶臥邸不應 命復加侍郎
召又不應自刎然後抄其妻李氏亦未及全
族戍其子公望亦未及親友如胡閏則赤全
族戍親友數百人連累死徙數千人其直言
不屈卽日死明矣 出龍飛紀略

一名胡閏伊男胡傳福西隅六箇十甲人洪

武三十五年爲姦惡事當年六月胡閏縊死抄提全家二百一十七人赴都察院將男胡傳慶全家典刑胡傳福年幼發鞍轡局習匠永樂五年調雲南跋趾後衛宣德五年取回調永清右衛宣德六年胡傳福逃回原籍宣德七年首縣差人勾解發饒州所宣德十年永清衛又勾傳福狀訴通政司備云永樂二十二年
仁宗皇帝恩赦兵部奏奉 聖旨是寧家爲民

景泰四年故天順六年開除戶絕

出鄱陽軍冊

胡閏全家縛發東市縛至傳福大哭全家放聲大哭兩列御史掩淚陳瑛亦色慘乃命饒死充軍按傳福方六歲發錦衣充幼軍越六年亦止十一耳遂爲出幼調衛跋趾永樂二十二年

仁皇登極宥傳福爲民值跋趾亂赦文不通傳福不蒙宥 恩宣德五年取回跋趾各衛軍傳福類調永清宣德七年徙以二千里外親

老单丁改附近例調饒州所南北遷徙一貧
入骨無力上伸軍民吏胥操文勾解安得精
明郡邑擔當任事代爲奏辯累至宣德十年
南兵部先人考績北上攜傳福往備奏方宥
先人乞養還饒攜傳福歸景泰四年傳福年
六十一鰥而死此豈章惇所爲哉毋亦胡公
數之窮耶不然天以完節付巡遠天下爲重
一族爲輕萬世爲重一生爲輕南安詩云忌
公人是愛公人信矣哉萬曆壬辰仲冬七日

夜漏四下七十五翁史桂芳燈下書

出留臺
往牒

陳瑛曰不以叛逆處彼則我輩何名舉朝大
吏俱不答瑛遂決意泄忿一日闕傳建文尚
在與諸逋臣爲亂瑛卽密奏方黃諸家門生
故吏結爲死黨且號稱同志以虛名惑衆者
尤可深慮宜以謀反大逆下令捕之正犯凌
遲妻子流二千里安置房屋器物盡沒入官
庶無後艱

上惑焉 命瑛便宜行事以是恣肆羅織鈐壓

刑理二法司革除諸臣匪惟戮其身且戮其
九族又及其九族之外親延至九族外親之
外親師友交游但有隻字相通卽指爲姦黨
蔓連十族殆無孑遺村里爲墟復延隣邑至
今有誅十族之號振古所無也陳瑛其禍首
哉黃巖胡氏驗一書其信史哉 國初徵聘
高賢及累徵不起逸士緣先生故一網打盡
矣 出英風紀異

永樂七年差內官八年差舍人柴斌抄祝靜

安等四十七名男婦家財產業變價解院以
致貧苦徹骨沿途乞覓死於道路死於逃竄
其最有財力者方得解院又非刑拷掠死於
杖下死於獄犴九死一生猶戍極邊刀兵烟
瘴惡地一丁一衛父南子北姑媳兩離兄弟
叔姪裂分四散孩提乳子肩挑背負有母抱
子子持父不忍分離者有挑至中途困憊無
柰棄子道傍者有家產盡絕貧極無依全家
隨戍者 出自下紀聞

胡閏弟女壻祝靖安三十都十畝人全家人
口家財解院祝靖安與妻命婦胡氏俱累死
祝泰康山海廣康盧龍永康肅州三子三衛
永戍俱故正統二年改饒州所拘頂方萬古
軍本府查問未結

出英風紀異

閏交契張仲禮 國初以賢良應聘由教職
歷官四十年陞惠州郡守不攜家亦無一价
獨姪張福緣隨任炊煮永樂初以姦惡外親
抄原籍家財并全家人口解院陳瑛疑家財

未盡復差舍人柴斌行廣東巡按添差官兵
同至惠州府抄扎柴斌怪無宦資怒甚扭鎖
公徒步出府合府男婦大哭爭餽柴舍金方
寬刑更有士夫追送廣城贖柴舍祈寬恤方
免沿途窘辱迨至饒見公無族又無片瓦寸
土大失望遂加銅鑊復非刑虐福緣先死公
解院垂死尤遣甘州永戍到衛卽死族卽滅
而降冊勾單歲歲下西隅二畝排年刑比無
休至永樂二十年方得開除戶絕

出鄱陽軍冊

閨姑夫張應原慶遠永戍路死西隅六崙戶
絕

張應原女婿陳鎖住此外親之外親也家財
千金解院貧甚與妻張氏竹籃挑男陳福安
同行張氏病浮腫死古廟中不及掩埋棄去
鎖住獨挑力乏行遲長解催迫又棄福安道
傍行數舍尤聞兒啼鎖住觸地長解救起沿
途乞覓至陝西一長解死過涼州嶺一長解
凍死鎖住逃回至常德府潛住流落四十年

矣至正統七年還饒六十六都三崙里排苦
比收管批迴首官監故戶絕

閨女婿史秉方西隅七崙史可甦孫史原壽
子夫妻俱故抄提外甥史遇通盧龍史天舍
山海史天福開平三子三衛時史天舍九歲
史天福七歲二軍妻皆幼女置竹籃肩挑二
担同日發行宗族親戚恐遭牽累不敢資送
史遇通到衛二弟路死未幾遇通亦死勾史
玄林史陞史廷富史斌憲補故無嗣丁盡戶

存

閩祖舅江賢先取富戶填實京師今又抄沒
原籍家財解院江賢銅鼓子江南保慶遠永
戌全家人口累死南隅三崙戶絕

江賢女婿劉童祖江南保女壻李天生皆外
親之外親也亦抄家沒產

李天生盧龍單丁年幼竹籃挑解路死三十
四都十六崙戶絕

劉童祖盧龍子劉承宗山海父子累死次子

劉得宗解死又勾踈宗劉清解死北隅一崙
戶絕

閩妻舅方均永樂元年提姦黨均逃樂平深
山訓蒙越五年提亟均妻并二女到官怒云
如何拏婦女來校卒云懷抱中是男子官曰
就解小廝去問何名答曰狗狸均聞歸代幼
兒解院均山海永戌死幼兒亦死饒人恐外
親連累亦無聘二女者隨至戌所嫁士人勾
方福清補宣德五年奉

宣宗皇帝聖旨親老单丁二千里之外者改附
近便養福清改饒州所方義接役二百年不
缺均原住南門大街基屋宏廠庶民不敢承
買尋改布政分司後方姓子孫無基址住西
門外城壕見存方彬方模方栢今

萬曆皇帝宥爲民在祠承祀西隅六畝七甲
方均女壻傅繼祖亦外親之外親也抄全家
解院繼祖同男傅四保五保等發銅鼓衛永
戍父子三人全家婦女在衛累死長男三保

義男傅慶才在途累死後山隊二畝戶絕

閨祖母重姪婁克政財產解院全家人口發
三萬衛永戍南隅一畝戶絕

家產萬金解院姑容二丁一衛者三家陳興
祖丁善興董道源

閨外甥陳興祖全家人口家財產物變價萬
金解院陳興祖陳都賢開平陳受祖陳怡山
海陳文生方蓄髮陳似海未蓄髮並以籃筐
貯之挑赴盧龍未幾三衛六軍累死正統八

年陳都保妻李氏改淮府羣牧所正軍打獵
餘丁守門弘治四年僉事汪 寃以陳觀音
解人高滾趙永清解開平三人俱不生還追
比批廻刑禁十餘年無柰弘治十四年陳玄
一妻劉氏解人高坊柯貴庚解開平又不生
還監比批廻八年無柰正德四年陳實妻張
氏解人許達陳遜解開平混收充軍批廻到
縣淮府復勾陳恩陳鼎陳居陳良陳照陳廷
贊陳憲陳受陳鳳陳思弦充軍

萬曆皇帝宥爲民見充西隅六箇六甲坊長軍
戶削除見在陳思弦陳良卿陳虎陳龍陳忠
陳憲宗陳公節陳民奉在祠承祀

閏祖母姪丁善興全家人口家財產物變價
萬金解院丁善興丁效寬開平丁慶孫丁善
安盧龍丁久遜丁善童山海丁善本丁子和
三萬丁善得丁善宗陝西甘州中衛五衛十
軍累死勾丁毛弟丁瓚丁衢補弘治四年五
月僉事汪 寃以丁全解廣寧前屯兵部放

回十八年廣寧前屯冊勾丁乞孫解兵部又
放回正德十三年三萬衛隱匿

仁皇宥文滕以丁善本丁子和逃冊申遼東都
司轉申都督府類送兵部送司吏書符同發
降冊勾單本省巡按發布按二司清軍道行
府縣兵房吏書牌拘丁乞孫監故止遺二男
長關保年三歲次三保年一歲流落而死坊
長告縣相埋東隅一畝戶絕

丁善興孫壻董道源外親之外親也全家人
口抄解家財產物變價萬金解院董道源道
振道安甘州道生同姪董巴子三萬董善同
董歪子開平七丁三衛又勾董福安改饒州
所接補三百年僅存董文秀董四六住大龍
橋南坐西朝東鐵匠生理今

萬曆皇帝宥爲民後山隊二畝軍戶削除
胡閏父義男汪老子分居出外年久全家解
院俱累死止存汪老子孤身老病氣息淹淹
尤發三萬衛出門卽死西隅五畝戶絕

閩孫壻李貴羽林衛千戶財產變價解院李
貴獄死親弟李滿受山海族兄李大毛盧龍
并全家人口累死南隅一畝戶絕

閩外甥徐善慶山丹徐丑兒開平徐伯丑三
萬三丁三衛并全家人口累死西隅四畝戶
絕

徐丑兒女壻余極生外親之外親也全家解
院累死極生發盧龍死西隅四畝戶絕

閩男妻弟雷冬受陝西涼州雜木口父雷黑

牛開平義男雷包頭三萬俱累死雷武孫改
饒州所征進死西隅五畝戶絕

閩曾祖母姪余福緣財產全家人口解院福
緣開平景文極東廣寧子虎兒極西慶遠三
丁三衛

仁皇恩宥景文虎兒回籍止留福緣在開平給
還原抄家產宣德二年六月虎兒兄弟賣屋
基與高斌度日宣德十年死西隅六畝戶絕
閩妻姨夫翟玄童盧龍翟玄貞山海 欽差

刑部右侍郎吳 清理本戶二丁二衛在伍
不缺將翟阿姚氏釋放回家病故北隅五
戶絕

閏父與黃羊俚兩姨表弟外親之外親也全
家人口家財解院羊俚三萬衛累死東北關
二畝戶絕

閏妻姨壻程關生外親之外親也山海踈族
程自遠開平程太俚南丹全家人口累死後
山隊四畝戶絕

閏伯祖母姪江普化遠親也開平江教化山
海改饒州所江細弟補死一都十一畝戶絕

閏妻舅祖蘇得民四川鹽井西隅五畝戶絕
閏男妻姨夫李慶童遼東三萬族兄李愛山
盧龍北隅二畝戶絕

閏姑表兄周正全家人口財產變價解院周
正遼東義州衛十三山舖伯周細兒盧龍周
皂生開平三丁三衛累死東隅三畝戶絕

閏姑表弟劉童受盧龍勾劉澄劉洪補死永

平關五畝戶絕

閨姑表姪左關生家財變價解院關生盧龍到衛卽死原係單丁西隅八畝戶絕

閨姑表姪包伴叔盧龍包力山海俱累死永平關二畝戶絕

閨外甥李辰生山海男四兒盧龍抄沒家產盡絕父子俱死又勾遠房李福輝解山海人口死盡二十都三畝戶絕

閨姑表姪張咬住極南永昌子張伍極西慶

遠全家累死西隅一畝戶絕

閨外祖父顧名關弟永關虎兒解院獄死都關盧龍佑關山海又調廣寧前屯三丁三衛正統二年顧添宗改饒州所又勾顧添受顧旺顧三顧四死又勾顧文府補伍

萬曆皇帝宥爲民五都一畝一甲甲首軍戶削除見在顧文府文鑑文銓文和老兒在祠承祀

閨母姨姪劉午孫永寧衛死北隅五畝戶絕

閩表姪史引弟盧龍累死南保坊二畝戶絕
以上充軍一百一十四名隨行親屬長解戶
長當千人萬里路資當萬金則又擾及一縣
清審勾解又擾至今二百年陳瑛流毒之遠
如此永樂九年陳瑛亦沒產亦獄死天道好
還分毫不爽汪公繼之寃死陳興祖一家十
二命丁善興全家絕滅汪亦絕滅永樂二年
李景隆沒產獄死永樂三年茹瑺全家獄死
幼男亦鞍轡局婦女亦浣衣局永樂十五年

谷王穗闔戶自焚與齊黃相去幾時彼英爽
在天終古如在此萬年唾罵不得如腐鼠之
速朽也賣國偷生者其永鑒之哉

以上皆出
鄱陽軍冊

孤猿夜泣

胡家橋在府城西隅碩輔坊胡公死抄提妻
汪氏子傳道傳慶與一族男女二百一十七
人俱死一路無人烟雨夜聞哀號聲時見光
怪久之有一猿獨哀鳴徹曉東西皆汚池黃
茅白葦稍夜人不敢行南至祝君廟北至昌

國寺方有人烟念胡族詩禮舊家培養千餘
年乃成忠節豈偶然哉况其波及諸賢鄉關
彫謝此孤猿之所以獨泣耶

沈鉉

英風揭榜

御史屠叔方憫胡公新祠淹沒親友久隸戍
籍無以妥忠靈地下疏請

天皇欣然釋之文移長丈許榜邑門忽爲旋風
招搖入天際杲日正中若素鸞翔迴自午迄
申覆還邑正堂之中衢胡然而騰騰而不毀

又胡然而返返而不之他所而止諸廳事之
中衢也耶予益驗胡公如在之神耳提面命
當不若斯切也躬校戎牘得若干人請宥之
邑大老史先生爲紀異詩示余敬續二章冀
率同志者於每歲六月十三日歌以祀公交
游被逮者列兩廡配饗苗裔之存者歲主祀
事嗟嗟胡公妻子親戚交游豈不萃忠精於
一堂也哉此固余有待未展之懷也英風之

異在十月初八日午時

鄱陽令程朝京敬書

永樂元年七月二十一日本司右韶舞鄧誠
於右順門題奏本年四月初三日錦衣衛發
下大理寺少卿胡閏妻犯婦汪氏有男廣圭
奴年一歲於本年七月二十日病故了奉
聖旨去了罷

出教坊錄

少卿薛崑

薛崑陝西閩鄉人慷慨負志操有口辯洪武
間累官大理寺少卿革除間大見信任辛巳
閏三月兵屢敗方孝孺建議草詔令崑齎至
燕軍又宣諭數千言刊印千餘紙付崑令密
散諸將士使歸心崑曰
上言殿下且釋甲謁
孝陵既暮下令旋師

太宗叱其給已曰事至此尚誰欺左右欲殺之

太宗曰此天子命使也釋之而其謀不行及
內難平免崑死謫廣西永樂初安南王爲黎
季犛所殺其孫陳天平自老撾來歸季犛子
蒼請還君之

上命廣西總兵官都督黃中以兵五千送歸其
國中舉崑爲輔行至芹站伏發劫天平崑被
虜死之

出革除遺事遜國臣記同

寺丞鄒瑾

鄒瑾吉安永豐人也嘗官蜀之重慶後薄遊
巴渝間洪武甲戌與金華王紳相遇於渝紳
稱其志篤才敏語言磊落可喜忠義人也旣
而至成都士皆願與之交洪武末赴召至京
建文中爲大理寺丞靖難師入與御史魏冕
等同死節

出遺忠錄金聲玉振備遺錄同

鄒瑾吉安永豐人洪武末薦至京建文二年
爲大理寺丞與魏冕毆約降者靖難後自殺

草聖身統 卷十一
詔夷其族王紳曰瑾志篤才敏議論磊落忠
義人也或曰四川江津人洪武中以明經修
行薦起縣學教諭遷監察御史歷陞都御史
出表忠錄遜國臣記同

鄒瑾吉安永豐人也洪武中以薦舉授巴縣
學訓導金華王紳稱其志篤才敏議論磊落
當以忠誼名當世既而至成都都人士皆願
與交革除中 詔求賢起瑾入朝陞湖廣僉
事進大理寺丞靖難師入與其甥魏公冕等

同死

出忠義流芳

鄒瑾字公瑾永豐人洪武中以薦辟授巴縣
學訓導甲戌與王紳遇於古渝紳稱其志篤
才敏議論可喜當以忠誼名當世革除中

詔求賢起瑾入朝庚辰春至京師陞湖廣僉
事進大理寺丞魏公冕卽其甥也同時死
難世以紳爲知人 出革除遺事

洪武中官蜀之重慶薄遊巴渝間邂逅王紳
握手如舊識 出革除志

洪武三十五年二月又解到鄒公瑾等男婦
四百四十八名口

出立齋閒錄

寺丞劉端

表忠錄作瑞

劉端南昌人建文二年進士驟遷大理寺丞
廉明執法靖難後與同邑王高並坐縱方孝
孺坐樹陰劓鼻而終高與端同年進士又同
官或曰高刑部郎中

出遜國臣記表忠錄同

彭與明
明當作民
明字非

寺丞彭與明

明當作民
明字非

彭與明江西萬安人貢入太學
洪武二十五年授兵科給事中
陞刑部浙江司員外郎
建文初陞湖廣按察僉事
尋陞大理寺丞廉勤剛毅
敏達能斷四年擇知兵有風
裁者督察諸將推與明出淮
西至靈璧會何福戰敗被執
與陳性善死之志云四月二
十七日卒

表忠錄

彭與明萬安人貢入太學
洪武二十五年授

朝野彙編 卷十一
兵科給事中陞刑部浙江司員外郎建文元年陞湖廣按察僉事尋陞大理右寺丞與明廉勤律已剛毅敢言敏達能斷四年擇中朝官知兵有風裁者出江北督察諸將與明爲衆所推遂出淮西至靈璧會何福戰敗爲北兵所執

文皇遣歸令傳語中朝士與明慚憤裂冠裳棄官變姓名

出遜國臣記

彭與明萬安人始由歲貢入國學洪武間授

兵科給事中累遷大理寺寺丞燕藩師起與陳性善劉伯完俱在何福軍中靈璧戰敗皆被執以去燕王悉縱遣之後北師渡江棄官遁去莫知所終

出忠義流芳遺忠錄同

朝野彙編 卷之十一 二十五
宜弟子員以貢登洪武十八年進士第一唱
名時五色雲見

太祖高皇帝見公雅重光彩問幾歲曰三十有
四問何年不能對乃更公第三公益警敏
上令伴讀 東宮至建文初輔政言藩王權重
必爲 國患在燕尤甚豫宜削制方可保全
歲庚辰七月李景隆僨事公言景隆懷二心
慟哭乞誅之終不聽國是日謬凡公建白皆
不能用於是奉 密詔率夫人許氏及四子

珪玉潤澤由洞庭微服至蘇州與知府姚善
倡義勤王善乃印造黃冊編公子補籍崑山
珪爲道士更名玄微守公譜籍玉爲里正更
名彥脩守公室家約善同死國事時歲壬午
江西族人羅織殆盡購公益急太倉武士湯
華縛公詣南京

上將釋用之屢挫不屈稱殿下左右呵之曰臣
知殿下以兵力取富貴不知殿下卽 寶位
若欲用臣是不欲以綱常治天下乎

朝野通編 卷十一 二十六
上解顏曰聞卿博學善書不比方孝孺執迷見
短朕將悉赦若罪公曰經史柔翰治世所用
亂世將安用耶况富貴瞬息何足重輕殿下
向來悖謬不可爲訓恐子孫有效尤而起無
足怪者

上變色曰此天命有在聞汝欲借兵以勝我果
有之乎曰

皇祖起義兵定天下生殿下勇力冠世托東北
大藩永衛 王室北狄胡塵不能往靖而反

內噬若臣引夷內攻與殿下逆謀何異

上曰此細人言不足信朕亦不以此罪汝今以
魏徵趙普不足學則迂愚矣令引江西所錄
族人從子文福富遠輩六十五人妻族外親
三百八十人齊至哀號大慟

上謂曰朕知汝必不爲我用當認何罪責書於
紙曰湜本爲

先帝文臣不職諫削藩權不早以成此兇殘後
嗣慎不足法

上命截其手曰汝雖不入島夷足跡已至海上
復命截其足族人無大小出江西者皆斬之
獨彥脩爲崑山音語充解送役收骸骨從江
中夜歸藏焦山數年會漢王高煦謀危宗
社

上乃追思公言削漢護衛徙居樂安州謂侍臣
曰卿等謀國勿以黃子澄臨刑語爲諱今朕
甚悔之於是路防稍弛可行欲葬江陰君山
黃歇墓側守墓者不容歷常熟皆不可至洪

熙元年七月十二日葬馬鞍山陽有子有墓
非人力也天實司之公被難時年五十三天
下寬之今公論稍明是應有銘銘曰天生忠
臣孝之力天植綱常死之力天佑眷屬友之
力天護骸骨子之力死而不亡君之力百世
芳風山之力藏銘於中萬年出

御史劉璉撰

黃子澄名湜以字行分宜人少受易歐陽貞
書周與學春秋梁寅有文行負盛名洪武十
七年貢入太學明年進士舉禮部第一授翰

林院編修陞修撰伴讀 東宮累官至太常卿

建文君為太孫時坐東角門謂子澄曰諸王尊屬擁重兵柰何對曰諸王僅有護兵纔足自守萬一有變以六師臨之誰其能支漢七國非不强卒底亡滅大小强弱之勢不同順逆之理異也 太孫每呼子澄黃先生

太孫即位倚任子澄謂曰先生無忘東角門之言子澄頓首應曰不敢遂出與齊泰議削奪

諸王兵權未幾周王得罪

建文君書諭

文皇文皇為曲解子澄曰燕周母兄弟燕王出塞有功威名日盛不併去燕後難圖於是出兵開平諸鎮及更置北平守臣伺府中事日急靖難兵遂起及耿炳文諸將相繼敗北建文君召問子澄對曰勝負兵家常事今天下富盛兵强糧足區區一隅豈能當天下全力聚兵五十萬四面並進旦夕且成擒子澄遂

薦李景隆爲大將代炳文景隆尤昏懦戰輒
敗棄其師遁還京又赦不誅子澄慟哭曰景
隆出師觀望懷二心不亟誅何以謝 祖宗
厲士卒練子寧亦執景隆于朝且哭且數請
誅之皆不聽江淮諸將連敗子澄拊膺慟哭
曰大事去矣誤薦景隆萬死不足贖誤國之
罪賦詩云仗節曾登大將壇貂裘遠賜朔方
寒出師無律真兒戲負國全身獨汝安論將
每時悲趙括攘夷何日見齊桓尚方有劔憑

誰借哭向蒼天幾墮冠靖難兵至淮上

建文君不得已逐子澄且密使募兵而以竄齊
黃使告燕

文皇曰此緩我也請悉召平安盛庸吳傑師還
卽已

建文君爲遣少卿薛嵒請罷兵

文皇又不許兵抵江干蘇州知府姚善言子澄
文武才略足捍國難顧屏諸間遠以快敵人
何失計至此始急召子澄未至金川門失守

文皇執子澄責問不服族其家一子走易姓名
田經後遇赦家湖廣咸寧正德辛巳進士黃
表其後也

出遜國臣記

黃子澄名湜以字行江西分宜人也少從邑
人歐陽貞受易周與學受尚書清江梁寅受
春秋博學負俊聲遊鄉校同舍避席嘗賦寒
江把釣圖詩云風攪蘆花雪作團扁舟隨處
足盤桓榮身不用千鍾粟度日常消一釣竿
欸乃數聲天地窄遨遊湖海水雲寬絲綸直

下三千丈願得鰲頭與世看人爭傳誦之洪
武癸亥膺貢入太學明年定科舉之制中京
闈鄉試第二乙丑會試第一廷試及第第三
人授翰林修撰尋兼春坊官侍 東宮講讀
遷太常卿

皇太孫立諸王以叔父之親多不遜服一日
太孫坐東角門召子澄謂曰諸王尊屬各擁重
兵何以制之子澄以漢平七國事爲對

太孫喜曰得先生謀吾無慮矣及卽位兼翰林

學士與齊泰皆用事時周齊湘代岷五府相
繼煽動

上一日朝罷謂子澄曰先生憶昔東角門之言
乎子澄曰不敢忘也密退與齊泰謀之泰欲
先燕子澄曰周燕之母弟取周卽剪燕之手
足而燕亦可圖也入白之

上遂遣曹國公李景隆圍河南迫周王橚至京
遷之雲南徙代王桂於邊湘王柏聞討狼狽
闔宮焚死執齊王榑囚之京師岷王梗降爲

庶人雖聖德如燕藩亦裾拾加誚讓焉朝
廷以子澄爲功褒賞之燕於是上書救周罪
子澄爲連坐決意討之已卯三月命都督宋
忠等北征七月靖難師起移檄大意言

上崇信奸回離間骨肉遵

太祖皇帝祖訓奉天征討罪人旣得則法周公
以輔成王且去建文年號惟用甲子首以誅
齊泰及子澄爲名遂破雄縣懷來遣長興侯
耿炳文禦之互有勝負子澄慮師老遂請

上班師詔以李景隆爲征虜大將軍率諸將兵
凡百萬以往景隆自負有文武才子澄亦薦
之

上寵信特深甫行餞之江滸賜犀玉帶諸將各
一賞賚無筭子澄授以指畫景隆依回而已
子澄甚憂之未幾景隆攻北平城累戰皆大
敗奔還京師赦不誅子澄哭諫曰景隆出師
無紀度意在觀望不誅之以謝宗社何以
懲將士不聽已而徐凱盛庸繼踵敗衄顧成

等皆降子澄拊膺大慟曰大事去矣萬死不
足以贖誤國之罪乃賦一詩以志痛聞者哀
之尋用侍臣議詔謫子澄及齊泰于遠方
以快敵意實使之募兵也時諸將猶守淮南
而

文廟忽渡江矣潭王

一云谷王

與李景隆開門迎附

子澄出走蘇州語見姚善傳詔執之捕獲
責問不服死之命赤其族同時被戮者俱號
齊泰子澄奸黨榜示天下一子迯難易姓名


為田經宥乃復姓家湖廣之咸寧近有登進士者袁州人祀子澄於鄉賢祠出革除遺忠錄金川門失守子澄走蘇州為太倉百戶湯華所執

上責問不服死之從子文富福遠皆死族其家九族謫戍者四百餘人一子走易姓名田經遇赦家湖廣咸寧正德辛巳進士黃表其後也出表忠錄遜國臣記同

黃子澄袁州分宜人洪武乙丑會試第一廷

試第三人授翰林修撰累遷大常卿

皇太孫初立召問之曰諸王尊屬各擁重兵何以制之子澄以漢平七國事為言及即位會諸藩相繼煽動乃令子澄密與齊泰謀之泰欲先燕子澄曰周燕之母弟取周即剪燕之手足亦因可圖也遂遣李景隆圖河南迫遷周藩時燕世子及兩郡王俱在京泰欲先收之子澄曰不可事覺則彼先發有名不如遣歸示坦懷無疑也尋悔追之已不及矣元年



七月宋忠兵敗于懷來乃以長興侯耿炳文帥遼東往援亦敗于澄慮師老于外請班師以李景隆帥師百萬以往援之授之方略見其依回甚憂之未幾果敗還于澄哭諫曰景隆師出無紀不誅之無以示懲不聽已而徐凱盛庸相繼敗顧成等皆降大勸曰大事去矣萬死不足以贖誤國之罪尋以計遠謫欲以緩師實使之募兵也

文廟卽位詔索之急械係至京不屈赤其族

外史氏曰中庸九經親親爲先子澄不能引其君以當道而乃導之以漢景刻薄之事滔天燎原之勢始于一言後雖自知萬死莫贖噬臍不及矣獨其一死爲能不負其君云

出羣忠事略

黃子澄字伯淵

文廟首誅齊泰黃子澄爲名 詔曹國公李景隆率軍百萬禦之隆以驕庸當國性復奸回自負有文武才

建文寵信特深授以指畫隆多違焉出師屢敗
奔還京師澄泣諫曰隆師出無紀請誅之以
謝宗社復大慟作詩以志痛聞者哀之

文廟渡江隆開門迎附澄不屈死之出革除死節紀略

子澄有愛妾在繫所立紙牌祀之忽一日晝

雷大風發瓦桷取其主去其精爽可畏如此

嘉靖初提學僉事邵銳命知府羅輅立祠祀

之出革除遺事與金聲玉振集革除遺忠錄同

徐凱盛庸繼踵敗衄顧成等皆降子澄撫膺

慟曰大事去矣萬死不足贖誤國之罪矣乃

賦詩以志痛詩曰仗鉞曾登大將壇貂裘遠

賜朔風寒出師無律真兒戲負國全身獨汝

安論將每時悲趙括攘夷何日見齊桓尚方

有劔憑誰借哭向蒼天幾墮冠聞者哀之出

備遺錄

黃湜死為里正者潛收骸骨夜遁藏焦山數

年後獲還崑山葬馬鞍山至今萬曆初其孫

黃熊與蔣乾等同以上塚酒醉相遇爭塚地

訟縣還舊山登祭忽有聲地中如雷化青氣
一道上冲從西北去又裂出一潭見有石誌
乃洪熙元年御史劉璉撰題曰大明死節太
常卿黃公墓誌銘其略曰黃湜字子澄以貢
登洪武十八年進士第一唱名時五色雲見
及入見更第三令伴讀 東宮建文初輔政
言藩王權重必爲國患在燕尤甚預宜削制
靖難兵因以遽起則亦湜趣之也旣李景隆
僨事國不可爲於是將家屬微服過蘇州見

知府姚善屬以二子籍之崑山約善與同死
國時歲壬午江西族人羅織殆盡購公益急
太倉武士湯華縛至京

上將釋用之屢挫不屈稱殿下左右呵之曰臣
知殿下以兵力取富貴不知殿下卽 寶位
若欲用臣是不欲以綱常治天下乎

上解顏曰聞卿博學善書不必學方孝孺執迷
朕將悉赦若罪湜曰經史柔翰治世所用亂
世將安用之况富貴瞬息何足重輕殿下向

來悖謬不可爲訓恐子孫有效尤而起無足怪者

上語以天命湜侵

上上益急會江西所錄兄弟從子輩六十五人妻族外親三百八十人齊至哀號大慟

上謂曰朕知汝必不爲我用但認何罪責書于紙曰湜本爲

先帝文臣不職諫削藩權不早以成此兇殘上怒命截其手足族人無大小出江西者皆斬

之無何漢王高煦謀宗社

上乃追思湜言謂侍臣曰謀國勿以黃子澄臨刑語爲諱今朕甚悔之於是路傍稍弛可行今上新卽位有詔下訪建文死事忠臣而塚會以告許陲現靈異前是雖相傳塚在此子孫尚未審迄此乃審其分宜祖塚亦名馬鞍山國初舉發革除之黨者蔣乾今醉與其孫訟者名亦蔣乾又會當詔訪時豈不甚異哉於是郡縣申報驗實上其事旨下封

表其墓立祠宇恤其裔一人主祠尋命建祠
於分宜移其裔一人往主之蓋

今上萬曆四年也至二十一年予謫掌分宜縣
教至其祠每歲春秋邑令以下致祭中奉湜
主左祀其族之同死者右祀其妻族外親之
同死者黃熊亦以博古善予予過姑蘇曾三
至其家予於太常亦若有宿因焉湜時以死
事俱沉族者四方孝孺齊泰練子寧孝孺無
後遺骸不知何處相傳門人潛瘞聚寶門外

山阿卽今高坐寺背而實不知何處也子寧
新淦人無後有玉屑集予亦曾過其故居湜

無文集

出詹氏小辨

永樂十一年正月十一日本司右韶舞鄧誠
等于右順門裏口奏有姦惡齊泰的姐并兩
箇外甥媳婦又有黃子澄妹四箇婦人每一
日一夜二十條漢守着年小的都懷身節除
夜生了箇小龜子又有箇三歲的女兒奉
欽依由他小的長大便是搖錢的樹兒又奏

黃子澄的妻生一箇小廝如今十歲也又有
史家有鐵鉉家箇小妮子奉 欽依都由他
出教坊錄

黃子澄江西袁州府分宜縣人洪武十八年
會試第一少年有文采伴讀東宮建文時爲
太常寺卿建議削諸王之權大見信用已而
坐赤族妻入浣衣局生子名舜家兒鄭氏養
爲子冒姓鄭今尚在生女四見在南京西院
題寒江把釣圖詩曰風攪蘆花雪作團扁舟

一葉任盤桓榮身不用千鍾粟度日常消一
釣竿欸乃數聲天地窄遨遊萬頃水雲寬絲
竿直下三千丈欲得鰲頭與世看永樂十一
年正月十一日教坊司等官於右順門口奏
有奸惡齊秦的姐并兩箇外甥媳婦又有黃
子澄妹四箇婦人每一日一夜二十餘條漢
子看守着年小的都懷身孕除生子令做小
龜子又有三歲小的女兒奉 欽依由他小
的長到大便是箇搖錢財樹兒又奏當初黃

子澄妻生一箇小厮如今十歲也又有史家有鐵鉉家小妮子奉 欽依都由他欽此

出 立齋閒錄

少卿盧原質

弟原朴附

盧原質字希魯浙江寧海人世家桑洲為巨族父鄉中稱善人母方氏孝孺之姑也原質於孝孺為外兄而文學得於方門為多洪武戊辰由縣學諸生登進士及第第二人孝孺以詩賀之曰奉天殿上榜初開共賀江南得秀才好與青蘿居士說居士謂宋濂也今年文運屬天台授承事郎翰林院編修越二年庚午聞父喪 詔賜驛舟楮幣遣歸又四年乙亥四

月陞太常少卿建文中多所建明

文廟登極坐黨 詔族其家與弟原朴等皆死

出革朝遺忠錄與遜國臣記革除遺事同

盧原質字希魯初名質浙江寧海人母方孝

孺姑也洪武二十一年進士第二人授翰林

編修二十三年父喪 賜傳奔喪二十八年

陞太常少卿事

建文君屢有建白靖難後召見不屈死之

出表

忠錄革除死節紀略忠義流芳金聲玉振同

少卿廖昇

廖昇湖廣襄陽人以學行名與方孝孺王紳

輩友善洪武中為左府斷事

太祖知其賢擢太常少卿建文元年勅修

高廟實錄昇與侍講學士高巽志副總裁昇博

雅有史才朗達負氣書靖難兵事語多撫實

聞茹常等龍潭還慟哭與家人訣自經死

出表忠錄

廖昇襄陽人不知其所進學行最知名與方

孝孺王紳輩友善洪武中爲左府斷事

上知其賢二十九年六月擢太常少卿建文元年正月 勅修

高廟實錄禮部左侍郎兼翰林學士董倫右侍郎兼翰林學士王景彰爲總裁官昇及翰林侍講學士高巽志副總裁翰林修撰李貫國子博士王紳漢中府學教授胡子昭齊府審理副楊士奇崇仁學訓導羅恢馬龍池郎甸長官司吏目程本立等纂修官昇博雅有史

才卓朗負氣書靖難兵事語多撫實聞茹常等自龍潭還慟哭訣絕自經死都御史陳瑛奏昇等皆不順天命効死 建文其存心與叛逆等並宜追戮

上詔弗問

出遜國臣記

廖昇襄陽人學行最知名與王紳方孝孺相友善洪武二十九年由左軍都督府斷事遷太常卿革除間修

太祖實錄學士董倫爲總裁昇及侍讀高巽志

副之會

太宗入靖內難昇慟哭與家人訣自縊而死都
御史陳瑛奏昇與黃觀王叔英周是修王良
顏伯瑋皆不順命而效死於建文計其存
心與叛逆同宜追戮之

上憫其忠不問

出忠義流芳與羣忠事略革除
遺事說纂癸集同

少卿高吳志

高吳志字士敏號嗇菴其先徐州蕭縣人元
末因父德爲浙東宣慰都事遂僑寓嘉禾幼
好學嗜文辭一時文章巨家如貢泰父師泰
周伯溫琦鄭明德之祐公皆師事之故其爲
文深純典雅成一家言年二十五以薦爲鄆
山書院山長洪武二年徵修元史入翰林爲
編修轉秦府紀善累官侍講學士未幾引退
又召爲試吏部侍郎以事去官謫居胸山第

士表往省之有送弟南歸序建文元年召為

太常少卿典試鄉會卒諡文忠出庚辛考世編徐大章集

列卿年表革除遺事遜國臣記構李英華玉

奔州別集嘉興府志皆同

按吳志一作遜志而革除遺事及吾學編

皆云四年靖難師起存歿無考乃趙司空

志云卒諡文忠不知何據沈志古蹟復有

高文忠墓在嘉興縣東奚家橋北豈卒於

革除間邪若靖難後必不得文忠之諡矣

附庚辛考世編

高遜一作吳志字士敏直隸蕭縣人元末僑寓

嘉興好學嗜文辭少嘗侍父宦遊吳中一時

文章家如宣城貢師泰鄱易周伯琦遂昌鄭

之佑俱客遊吳遜志皆獲受業故其為文深

醇雅則成一家言年二十五為鄞山書院山

長洪武二年徵修元史入翰林為編修累遷

侍講學士革朝庚辰會試禮部尚書陳迪侍

中黃觀知貢舉遜志以太常寺右少卿與董

倫為考試官得吉水王良常熟黃鉞莆田陳

繼之廬陵胡廣崇仁吳溥建安楊子榮新淦
金幼孜石首楊溥武進胡濬太康顧佐時稱
得人同較藝者右拾遺朱逢吉編修史官吳
勤葉惠仲趙友士徐旭景一作張秉彝監試御
史王度俞士吉亦一時之選壬午之變王度
葉惠仲歿難餘順命顯庸遜志存沒無可攷
見殆晦迹終身挺節不污於時耶出革朝志

嘉善曹承宗寫

建文朝野彙編卷十一

終

丙辰辛卯

